



Protocol da la radunanza cumünala dal cumün da Val Müstair

2. radunanza cumünala 2020, dals 12.08.2020, ad uras 20:00 illa sala da gimnastica a Tschieriv

Preschaint:

- President: - Rico Lamprecht
- Suprastants: - Gabriella Binkert Becchetti, vicepresidenta
- Aldo Rodigari
- Daniel Pitsch
- Hansjörg Weber
- Votants: - 27 (partecipaziun da 2.31 %)
- Giasts: -
- S-chüsà: - Gian Duri Conrad, suprastant
- Judith Fasser, directura center da sandà Val Müstair
- Actuar: - Not Manatschal, manader d'administraziun

1. Salüd / glista da tractandas

President Rico Lamprecht driva la radunanza e spordscha il salüd a las 27 votantas e votants chi s'han radunats illa sala da gimnastica a Tschieriv. La glista da tractandas vain acconsentida illa fuorma affischada e protramissa in mincha chasada.

2. Tscherna dals dombravuschs

Sco dombravuschs vegn proponü ed elet Mario Gross-Vollenweider

3. Approvaziun dal protocol da la radunanza cumünala dals 08.01.2020

Tenor l'art. 29 da la constituziun cumünala sto il protocol da l'ultima radunanza, in quist cas quel dals 08.01.2020, gnir expost per l'invista dals votants almain ün mais davu la radunanza, d'ürant 30 dis, in chasa cumünala. L'exposiziun d'eira publichada illas tablas d'affischa da las singulas fracziuns. Recuors nu sun entrats, uschè cha'l protocol vala sco acceptà.

2 9 FINANZAS ED IMPOSTAS

Approvaziun dal rendaquint dal cumün da Val Müstair pel on 2019

Il president manzuna in seis plets introductivs ch'ün conqual preventiv – rendaquint muossa chi s'ha fat economia e raggiunt uschè ün resultat chi'd es bainquant meglder sco quel stat preventiva. Quist bun resultat es gnü realisà eir grazcha ad üna gronda donaziun our d'üna ierta d'üna persuna da la Bassa. El vezza grondas sfidas pel avegnir, es però da l'avis cha'l plan da master « Val Müstair 2025 » es ün bun instrumaint per valütar ils progets sün lur persistenza, voul dir cha las lezchas dal cumün ston gnir examinadas da maniera ch'ellas portan pro ad ün svilup economic ed ecologic.

Il contabel Jann Ruinatscha preschainta il rendaquint, davo quel dal 2018 il seguond chi's basa sül MAC2 (model armonisà quint).

Il rendaquint 2019 muossa il seguaint resultat:

Quint da success

Entradas	fr. 14'533'243.73
Sortidas	<u>fr. 14'263'511.63</u>
Suravanz entrdas	fr. 269'732.10

Quint d'investiziun

Entradas	fr. 1'464'025.72
Sortidas	<u>fr. 1'643'674.80</u>
Investiziuns nettas	fr. 179'649.08

Aigna finanziaziun fr. 1'263'340.21

Avanz da finanziaziun fr. 1'056'691.13

Il büro da revisiun Gredig und Partner AG da Cuaira / Tusan ha fat la revisiun e conferma a man da la radunanza cumünala cha'l rendaquint preschantà po, resalv d'eventualas remarchas da la cumischiun sindicatoria, gnir acconsenti.

Oscar Walther, commember da la cumischiun sindicatoria, propuona a la radunanza d'acceptar il rendaquint preschantà e da dar dis-charg a la suprastanza, cun ün ingrazchamaint per la lavur prestada dal gremi strategic ed operativ.

Da la pussibilità da far dumondas nu vain fat adöver. Sainza cuntravusch vain il rendaquint preschantà acceptà.

3 4.00 OSPIDALS

Approvaziun dal rendaquint dal center da sandà Val Müstair pel on 2019

Manuela Angerer-Zen, impiegada d'administraziun i'l center da sandà (CSVM), preschainta il rendaquint da la gestiun 2019. Pro las cifras da prestaziun po ella dar diversas spiegaziuns sur dal menaschi in general.

La gestiun da l'on passà muossa il seguaint resultat: L'avanz importa, davo avair fat las con-taziuns prescrittas our dal chapital d'organisaziun, fr. 90'043.72 (2018 fr. 287'140.10). Pro posiziuns specialas, chi divergeschan cun l'on passà e'l preventiv, da Manuela Angerer infuormaziuns da detagl.

Il büro fiduziari Bezzola + Partner AG da Zernez ha fat la revisiun. El propuona d'acceptar il quint preschantà.

Oscar Walther, commember da la cumischiun sindicatoria, propuona a la radunanza d'acceptar il rendaquint preschantà e da dar dis-charg a la cumischiun dal CSVM, cun ün ingrazchamaint per la lavur prestada dal gremi strategic ed operativ.

Da la pussibilità da far dumondas nu vain fat adöver. Unanim accepta la radunanza il rendaquint preschantà.

4 8.60 PRODUCZIUN D'ENERGIA

Approvaziun dal rendaquint dal PEM pel on 2019

L'administratur dal PEM, Cla Filip Pitsch, preschainta il rendaquint da la gestiun dal 2019. Cun differentas folias vegnan preschantadas cifras, graficas e commentars pro las gruppas dal quint

da gestiun e dal bilantsch. Quai congrualà cul preventiv e'l quint da l'on passà. Pro entradas da fr. 4'880'543.42 e sortidas da fr. 5'863'508.06 resulta üna perdita da fr. 982'964.64.

Da la pussibilità da far dumondas nu vain fat adöver.

L'organ da controlla, il büro RBT AG da San Murezzan, propuona a la radunanza d'acconsentir il rendaquint preschantà.

Oscar Walther, commember da la cumischiun sindicatoria, propuona a la radunanza d'acceptar il rendaquint preschantà e da dar dis-charg a la cumischiun dal PEM, cun ün ingrazchamaint per la lavur prestada dal gremi strategic ed operativ.

Sainza cuntravusch vain il rendaquint preschantà acceptà.

5 8.40 BIOSFERA - ORGANISAZIUN

Approvaziun dal rendaquint e'l rapport annual dal parc da natüra Biosfera Val Müstair pel on 2019

Il manader da gestiun da la Biosfera, David Spinnler, preschainta il rapport da gestiun e'l rendaquint pel on 2019. Il quint da gestiun muossa entradas da fr. 1'563'038.22 e sortidas da fr. 1'922'598.80, vuol dir chi resulta ün surplü sortidas da fr. 359'560.58.

In seguit preschainta el las expensas pro'ls singuls secturs da program, cun ün'infuormaziun sco ed ingiö cha la munaida es gnüda investida. Da la perioda da program 2016 – 2019 resulta amo ün avanz da fr. 216'710.86, chi po gnir investi in progets (2018 = fr. 919'861.44). Davart da las instanzas esa gnü confermà cha quista munaida sto gnir investida fin la fin dal 2020 per progets dal intent acconsenti.

Il büro da revisiun Gredig & Partner AG da Cuaira ha fat la revisiun. Els propuonan d'acconsentir il rendaquint preschantà.

Oscar Walther, commember da la cumischiun sindicatoria, propuona a la radunanza d'acceptar il rendaquint preschantà e da dar dis-charg a la cumischiun da la Biosfera, cun ün ingrazchamaint per la lavur prestada dal gremi strategic ed operativ.

Sainza discussiun e cuntravusch accepta la radunanza il rendaquint preschantà cul rapport annual dal 2019.

6 8 ECONOMIA PUBBLICA

Approvaziun da la cuvegna da prestaziun tanter il cumün da Val Müstair e la regiun Engiadina Bassa / Val Müstair davart il management regional

Il president da las infuormaziuns da detagl. La cuvegna rimplazza quella dal 2016 – 2020. Vi dal cuntgnü nun haja dat grondas müdadas, vuol dir cha'l intent da promover il svilup economic da la Regiun, cul böt da sgürar plazzas da lavur existentas, sco eir da s-chaffir novas, ha priorità. La part a charg dal cumün da Val Müstair importa seguond preventiv 2020 fr. 54'014.77.

Sainza far adöver da la discussiun accepta la radunanza cun unanimità la cuvegna preschantada.

7 2.14 SCOULA DA MUSICA

Approvaziun da la cuvegna da prestaziun tanter il cumün da Val Müstair e la regiun Engiadina Bassa / Val Müstair davart la gestiun d'üna scoula da chant e da musica

Eir quia da il president las infuormaziuns. La cuvegna rimplazza quella dal 2016, chi scada als 31.12.2020. La collavuraziun cun la Regiun d'Engiadina Bassa sül chomp da la scoula da chant

e da musica funcziun fingià daspö blers ons a plaina cuntantezza da tuot ils partenaris. Vi dal cuntgnü general nun haja dat müdamaints. Ils cuosts vegnan scumpartits da la Regiun. Per la Val Müstair es preventiva pel 2020 ün import da fr. 48'715.18.

Eir quia accepta la radunanza, sainza discussiun e cuntravusch, la convegna preschantada.

10. Varia

- President Rico da ün sguard inavo sün l'ultim mez on chi ha müdà, pervi da las restricziuns per frenar la derasaziun dal virus da Corona, il gir dal minchadi in Val Müstair. Furtünadamaing es la Val restada schaniada, fin sün ün pêr singuls cas, d'üna derasaziun da l'epidemia. El es persvas cha quai sun eir ils merits da la populaziun Jaura chi ha demuossà gronda disciplina e s'ha suottamiss als uordens. Davart da la branscha dal turissem vegnan pel mumaint confermadas fich bunas frequenzas. Impustüt la populaziun Svizra desista sün vacanzas our pajais e tschercha la recreaziun illas regiuns da muntogna. Quist fat vegn confermà eir per la Val Müstair.

Las consequenzas finzialas as muossaran, seguond maniamaint dal president, pür i'l avegnir. El manzuna quia impustüt las consequenzas per l'economia, chi genereschan cun lur schmerdsch las premissas per ün bun svilup economic, ed implischan uschè eir las chaschas per l'egualisaziun da las finzas sül chomp federal e chantunal.

Siond ch'ingün nu piglia il pled po president Rico serrar la radunanza ad uras 21.40. El ingrazcha per la cumparsa e per l'incletta demuossada.

Il president:

L'actuar:

.....
Rico Lamprecht

.....
Not Manatschal